

吳業坤老婆衝事業 唔急生B

# 郭柏妍惡補打牌 齋睇唔落場

無綫小花郭柏妍 (Rosita) 於新劇要打麻雀及拉大提琴，前晚她出席活動時表示不愛打麻雀，故牌技很差，為了演好角色，現在會觀察別人打麻雀惡補。同場的吳業坤老婆濱口愛子很開心在港拍首個廣告，又稱兩公婆現時專心事業，暫時無意生育。

郭柏妍與吳業坤的日籍老婆濱口愛子前晚出席家電產品發布會，愛子透露為產品拍攝廣告，擔任嘉賓的Rosita則於活動上跟其他來賓玩遊戲。Rosita受訪時透露近期忙拍無綫新劇《麻雀樂園》，正學習拉大提琴及打麻雀：「我打麻雀唔叻，符合晒角色設定，呢排會觀察人哋打，惡補不足。(屋企人有冇打?)新年嘅時候會，我通常企喺旁邊睇同幫手疊牌，我疊牌好叻好整齊嘍，哈哈！」她坦言對打麻雀興趣不大，不會特別去學，又指學大提琴有難度，因為雙手要同時兼顧動作。

談到同劇的李佳芯(Ali)疑在社交網「放負」，更傳《麻》劇是她的告別作，Rosita表示忙拍劇，未有留意報道，但稱與Ali合作得很開心，大讚對方厲害：「只係企喺佢隔離都學到好多嘢。」她又稱拍攝時不覺得Ali情緒有問題：「佢之前仲帶朱古力請大家食，成個團隊好似屋企人咁，好有家嘅感覺。(慰問Ali?)我哋

平時有傾偈，佢就好似大姐姐咁好照顧大家，Shaun(譚俊彥)係爸爸，佢係媽媽，唔係，係姐姐，佢真人同上鏡一樣咁靚。」

## 愛子預告帶父母遊港

愛子開心表示首次在港拍廣告，問到是否滿意酬勞?她笑言要問經理人，又稱若有機會，希望跟老公吳業坤一齊拍廣告搵真銀。談到日圓匯率不斷下跌，她坦言自己已在香港生活，故問題不大，但仍有部分日圓儲蓄受影響，老公也提議再購入日圓「溝淡」，不過身在日本的家人則受影響，她說：「喺日本生活直接上唔受影響，不過要去外地旅行使費會高啫。」

愛子透露父母稍後會來港旅行，因想親眼看她的肖像印在電車車身的廣告，又指父母首次來香港是參加她的婚禮，但上次行程緊密，未有時間四處吃喝玩樂，今次她會帶雙親遊覽香港。問到會否想盡快升呢人

母?她表示剛開始在香港接工作，與老公都想在事業上先闖一番，造人大計稍後再想。提到老公較早時奪得空手道比賽冠軍，她笑言：「決賽嗰日老公擔心自己太緊張，唔畀我到場睇賽事，不過事前已同老公、教練一齊食飯作賽前鼓勵。」



■ 愛子與郭柏妍於活動上玩遊戲。

■ 愛子很想與老公吳業坤一齊拍廣告。

## 許廷鏗做英超活動 有望同名宿鬥波

許廷鏗與雲浩影等昨日出席音樂創作及製作人才培育計劃啟動儀式活動，擔任評審委員的許廷鏗說：「要爭取時間聽晒400幾首歌，自己啲歌都有時間聽，有啲好入腦，聽完好自然咁哼出嚟。」他透露下半年經常離港工作：「接好多廣告，仲要出席一個英超活動，不過唔係以球員身份落場踢球。開心有工作之餘，又可以睇波，同埋有機會落場同名宿切磋球技，不過嗰件球衣係窄身設計，所以要減磅。」他稱離港前會出席本月12日舉行的《CHILL CLUB頒獎禮》：「我打入咗唱作歌手獎嘅10強，冇獎咪當聽歌同見朋友囉，好懷念扶鄭欣宜上落台嘅日子。」問到欣宜近況如何?他指對方在港，經常見面，讚欣宜狀態不錯，希望她早日重現樂壇。

入行兩年的雲浩影榮升活動的導師，她興奮說：「我係嚟向年輕人學嘢，期待同佢哋擦出火花。」

■ 許廷鏗與雲浩影開心樂壇不斷有生力軍。



## 支支新歌獲正評 似揀啱婚紗

支譽儀(支支)最近推出首支個人單曲《Gotta Try》，昨日到電台受訪時表示已第3日做宣傳，還會一日內跑8場為新歌造勢：「終於感受有自己歌曲嘅感覺係好興奮。」雖然工作繁忙，但她不擔心被团团投訴，因忙完一天工作，翌日會盡量抽時間陪团，不過就要犧牲睡眠時間。對於新歌反應，支支認為相對網上點擊，更着重大家對歌曲的評價：「有留言話呢首歌係為我度身訂造，老公亦形容似揀啱婚紗，好多人話好切合我性格，期待我下一首作品，仲話我唱廣東歌都得，好感恩大家認真『解剖』呢首歌。」



■ 支支很開心有屬於自己的歌曲。

## 霆鋒忙裏偷閒嘆美食



■ 霆鋒與餐廳大廚分享下廚心得。

英皇電影《海關戰線》成為《第26屆意大利烏甸尼遠東電影節》閉幕電影，早前導演邱禮濤與主角謝霆鋒赴意大利出席盛會，獲現場觀眾報以熱烈掌聲，贏盡口碑。在緊湊的行程中，霆鋒忙裏偷閒，抽空享受當地美食，他說：「我在市內逛了一陣子，在電影節的工作人員推介之下，我到了一間餐廳享用午膳，食物與環境都很不錯，這頓飯吃得很開心。」餐廳大廚得知霆鋒愛下廚，特意邀霆鋒往廚房交流心得，餐廳老闆更表示看了《海》片的世界首映，大讚電影精彩，猶如給霆鋒打了一支強心針。